

quomodo fiat tradidit Ruellius lib. 2. de natura stirpium,
 (vt fateamur vnde profecimus) Isatim satiuam, quæ Gal-
 lis, auctoribus Cæsare primo de bello Gallico, & Plinio
 Glastum dicebatur, nunc Guadum, aliis Pastellū vocatur,
 herbam & si insignibus virore cauliculis notatam, succo
 tamen insipientem cæruleo, trussatilibus molis premunt vt
 herba ceam saniem excludant, deinde exuctam digerunt
 in pastillos & tabulatis putrescere sinunt, post, cortinis
 infectoriis coquunt, & post tinctos pannos, ceruleam illam
 innatantem feruentibus cortinis exemptam siccant picto-
 rum vsibus, Indum vocantes.

CAP. XI.

ÆRVLEI TEMPERATIO-
 NES ALEXANDRIÆ PRI-
 MVM SVNT INVENTÆ.

Cæruleum Græci Cyanon, etiam si in recentiorum com-
 mentariis Lazurion inuenitur. Arabes lapidem lazuli
 vocant, eius meminerunt Dioscorid. lib. 5. cap. 97. &
 Galenus lib. medicamentorū simplicium. 9. Plinio & Vi-
 truuio est arena. Cærulei etiam nomine intelligi potest
 gemma quam Hermolaus Turchicam ait appellari ab of-
 ficinis. ARENA ENIM CVM NITRI
 FLORE CONTERITVR. Cærulei are-
 næ tria antiquitus fuisse genera refert Plinius. lib. 33.
 cap. vltimo, & ante eum Theophrastus lib. de gemmis.
 Ægyptium quod maxime probatur, Scythicum, quod cū
 teritur in quatuor colores mutatur, candidiorē, nigriorem ue
 crassio rem, tenuiorem ue, Præfertur huic Cyprium. Ac